

այնպիսի հոգեկան մի կենդանութիւն է տալիս, այնպիսի մի ջերմութիւն, որի նմանը ես զգացած չեմ երբեք:

Դժբախտ Պասկալը իր ուրացումը տարել է Մօնտէկառլօ եւ Աստուծոյ հետ խաղ է խաղում, իսկ դուք, ձեր ուղեղը կահաւորել էք ամերիկեան, գաղութային այդ մարդկութեան, շինարարական երազով: Որովհետեւ դուք վախում էք պարապից եւ վախում էք մահից: Չէ՞ք զգում, որ այս երկիրը տաք է, որ նրա գարաւոր շերտերի տակ բոցերի ծալքեր են դիպում, որ ամէն մի քար հնչուն է, եւ տարածուած այս երաժշտութիւնը աւելի կեանք է քան այն, ինչ որ մենք անուանում ենք կեանք:

Ինչպէ՞ս ձեզ բացատրեմ... Ինչ որ ասում եմ կարելի է միայն զգալ: Ֆիզիքայէս: Այնպէս, ինչպէս մարդ զգում է սիրած կինը՝ ամբողջ իր մարմնի սարսուռով, ամբողջ սրտով. էութեան թաքնաթաղուր այն զգացումով, որը անուն չունի, որովհետեւ զգայութեան բեւեռից այն կողմն է: Եւ եթէ այդ զգացումը չկայ՝ ոչինչ չկայ. եւ ոչ մի թուարանական հաշիւ, ոչ մի տրամաբանութիւն չի կարող պարապը լեցնել: Կամ այս կամ այն: Կամ պէտք է վախճել, ուրանալ, կամ պէտք է խոնարհարար ընդունել եւ լարել իր ներքին ահանջը, բաց անել ներքին աչքը եւ ապրել ոսկրոտ այս լաւայի, ազքատ մացառներով ծածկուած այս թմրերի միւս, իրական կեանքով: Մենք դժբախտ սոգդ ենք, եւ դժբախտ է նաեւ մեր երկիրը, որովհետեւ հայկական լեզենդան իր գոյացման ձեւը գեո գտած չէ: Ես հաւատում եմ, որ ամէն մի երկիր եւ ամէն մի սոգդ ծնուած են իրականացնելու որոշ մի ճահատաբիր: Սառած հողակոյտերի տակ, բարձրարերձ լեռների կատարին, աղմկօրէն փչըրուող գետերի հայելիի մէջ, ժանգոտած ժայռերի կրճէին, լճերի ներս քաշուած մելամաղձոտութեան ծոցին, հայկական երկու հոգեկայանների՝ Ախթամարի եւ Սեւանի մէջ տարածուող բովանդակ աշխարհի մասերում՝ թառած է անհանգիստ, եռ եկող մի երգ եւ թառած են մեծղի աստուածներ, որոնց ձայնը ես լսում եմ, որոնք ուզում են ապրել, սակայն, մենք չենք կարողանում գտնել նրանց գոյաց-

ման ձեւը: Ինչէ՞ն գիտէք, քարեկամ, ինչէ՞ն գիտէք, որ նոյն Գրաալի սկիհը, խորհրդաւոր այդ ճառագայթումը, որի համար քաջ եւ արկածախնդիր ասպետներ աշխարհէ աշխարհ ընկան, պղնձէ քաղաքների խուլ դուռերը զարկին, արծաթէ սուրբերով թանձր գիշերներ հարուածեցին, — ինչէ՞ն գիտէք, ասում եմ, որ հէնց այստեղ, մեռնող արեւի կարմիր հառաչի տակ զուսպ եւ խուլ պառկած այս լիճի մէջ չէ թափուած:

— Գրաալի սկիհը հին մի առարկայ է որեւէ թանգարանում գետեղուած:

— Թո՛ղ լինի հին մի առարկայ: Հին առարկաները յօրինուածքներ են, որոնց մէջ ժամանակը եւ քնութիւնը ամբարած են որոշ զօրեղութիւն. նրանք ժամանակի ընթացքին փոխակերպուած են եւ մարդկային մարմնի պէս մեծ ուժի առատ աղբւր են դառնում: Հին առարկայ, ասում էք արհամարհանքով, հին առարկայ... Այսօր, Սեւանայ կղզու վերայ, մաշուած ու չքաւոր մատուռի առջեւ ես իրական կենդանութիւն տեսայ: Ես տեսայ միակ կենդանի կէտը որը ապրեցնում է ջլատուած եւ ահաբեկ այս երկիրը: Եղածը ի՞նչ է՝ մի քանի խարխուլ քարեր եւ, սակայն, նրանք կրում են իրենց ուսերի վրայ ահաւոր մի բեռ՝ դարերի բեռը եւ խորհուրդների հաւասարչուութիւնը: Եթէ մի օր այդ խարխուլ քարերը վայր ընկնեն եւ անձրեւ ու մրրիկի ծեծի տակ, ջերմութեան, սոթի լուծիչ աւերով հիւանդ, փոշիանան՝ մեր լեռները կը սկսին երերալ, լիճը վար կը թափուի, դաշտը կ'անդնդանայ, եւ մենք հայերս կը վայրենանանք:

— Ուրեմն, ըստ ձեզ, մենք պէտք է մընանք կառչած բոլոր հնութիւններին, պէտք է պաշտենք քարերը, անմշակ թողնենք մեր հողերը, հրաժարուենք մեր շինարարական աշխատութիւնից եւ՝ տարուած բնազանցական ձեր երազով՝ գնանք որոնելու մի ինչ որ Գրաալի սկիհ, մշուշապատ ու բանաստեղծական մի ինչ որ երկրում: Դուք մեռելութիւն էք քրոզում...

Բարեկամս զայրացել էր: Մութ էր եւ ցուրտ:

Հեռում քառակուսի ստուերներ էին երեւում: